

Haa Yoo X'atángi Daat.

Xaan has akaawaneek haa yoo x'atángi ka haa kusteeeyí daat. Áwé, has du xádu xagútak, aaa, haa yoo x'atángi tóonáx woosh tudzixán. Ch'u oowayáa Lingít awshigóogu aa kúnáx has wudishán. Haa nák has woo.aat, ku.aa yá Lingít at wuskóowu nák tsú. Tléix' yateeyí aa áwé, wé gunanaa ka shaan haa xánde woogoot. Haa yoo x'atángi sh tóo wutudlitóow aagáa haa xoot uwagút wé kaa. Gwich'in yéi duwasáakw du ku.oowú. Haa een akaawaneek du kusteeeyí daat. Áwé, du yadak'wx siteyidáx sh kalneek haa jeet aawatee. Has du léelk'w has kúnáx ch'u ch'áakw áwé. Hél has du daat wé néekw tlein. Tléik'. Dleit Káa ítx woo.aat áwé néekw tlein, haa kaanáx wootee. Wé gaaw ku.aa, kúnáx kudishán nooch. Tléix' hundíd áwé kúnáx wudishán yeedát, ku.aa ch'áakw áwé has du ku.oowú wáa yateetí yéix' tlax yáanáx áwé has du katáagu.

Randall Tetlichi áwé du Dleit Kaa saayí. Wé kaa léelk'u has du xánde woogoot nooch. Has du yoo x'éit us.aaxch. A yáanáx áwé has du wudasháni, tlél aadé át ngwaagoodi yé. Tléik'. Ts'as át wudigwáat' ka has du x'oos has awsixát'. Ch'u oowayáa has du yaa nagwát'i xwasiteen ax tundatáani tóox'. Aagáa haa een akaawaneek a daat wé kaa wuliteeshí. Haa at wuskóowu. Has du xánde nay.á! Aaa. Ch'as yeewháan áwé has du x'éide gaxyisa.áax. Aaa. A kagéiyi yís has x'akgwadatáan. Yéi áwé. Ch'as yeewháan áwé gaxyisakóo has du at wuskóowu daat. Aagaa has kakgwadak'éet' yee nák. Tlél has du at wuskóowu aadáx has akakgwajeil ku.aa. Tléik'. Wé tl'átgi tóode guxlaláa. Tle yee yoo x'atángi yilayéix yee aaní kák i toodé kgwahaa.

Yéi áwé ax tundatáani haa yoo x'atángi daat. Shgaté. Keihéenák'w, Kaxwaan Éesh, Kaséix, Keixwnéi, Shak Sháani, Kingeestí, Kaalkáawu. Has du yoo x'atángi xoox yéi xat nateech. Has du xande xwaagoot aagáa has x'axwawóos': daa sá yee tuwáa sigóo yee dachxánx'i sáani has guxsakóowu? Koolx'ásch áwé has du yoo x'atángi ax gúk yík. Ax tóodé. I gu.aa yáx x'wán! Daat yáanáx sá x'adulitseen haa yoo x'atángi? Aadóoch sá, haa dachxánx'i sáani has du eex' at guxlatóow haa yoo x'atángi? Haa yoo x'atángi haa wusineix. Haa jinák daak kanals'is a yáx áwé yatee, áwé yá Lingít yoo x'atángi. Tlél daa sá a yáx koogéi haa yoo x'atángi. Tlél kei gidaleet. Ax x'agáaxi áwé yéi kgwatéé: ch'u tleix, kugaagastee, Lingít.

Aaa. Yatéex' áyá yá kustí. Yá 2014 áwé ax nák woo.aat. Ax léelk'w Kaalkáawu, ax éesh Skandu.óo, ax koo at latóowu Xwaayeenák. Yá ax tláa du kéigu awlishát wé tl'uk. Shayadihéin haa ku.oowú haa yoo x'atángi tlél has du daatoowú oo.oo. Ch'u oowayáa tlél has du tuwáa ushgú. Éeshaandéin áwé haa kusteeeyí yeedát. Haa Lingít x'éináx yoo x'ali.átgi has wuliteesh. Haa yátx'i hél has awuskú Lingít daat. Haa kaa sháade hání tlél has du tóot wooleex a daat. Ch'as uháan. A yánde gaxtoonáak. A kák kugaxtoogáaw. Aaa. Yéi áwé a kát ax tuxwatánk.

Kaajaalkwtí. Hú tsú a daat tuxwatánk. Du x'éidáx áwé xwaa.áx yáat'aa: hél aadé ch'u tlei Dleit Káa haa oonaxsateeyi yé. Yéi áwé. Tlél kalidéix'i át áyá. Ligéiyi át áyá yaa gaxtootée. Yéi áwé ax toowúch Idakát Lingít yaa at naskwéinx'i yís. Ách áwé hél ch'a goot yoo x'atángi xwaliyéx ax yátx'i een. Ch'as Lingít. Gwál has du een kakkwanéek a daat haa yoo x'atángi. Tlax wáa sá eeshaandéin haa kaawashhóo tle tlél kaa tuwáa ushgú haa x'atángi. Áwé. Yeedát áwé x'wáas' yoo x'atángi has awliyéx nooch, wé Dleit Kaa sgóon yéi jinéix'i. Lingít sgóon gaxtoolayéix woosh tín. Lingít'aaní kák guxsa.áax.

Tle át yaa s na.ádi, ax yátx'i, ax tuwáa sigóo has akgwa.áax Lingít at wuskóowu. Wé sheey tóonáx akgwa.óox'. Aaa. Wé neech kaanáx jiaygxsatáan. Yéi áwé ax tuwáa sigóo. Gwál kageet haa aaní kák has akawliyaa wé Dleit Kaa. Yeedát ku.aa shayadihéini aa has du dachxánx'i tsú, haa een a kák has kuligaaw. Lingít áwé has yaa s naskwéin kusaxán tóonáx. Has tsú a yánde guganáak.

Kushtuyáx áwé keijisatánch yá kustí. Haa jiyis wududliyéx haa yoo x'atángi ka haa kusteeeyí. Aaa. A kagéiyi yís sh tóo wutulitóowu. Ax shux'wáanáx koo at latóowu áwé ax léelk'w. Dakl'aweidiú ustí. Wé nadáakw daat wutuwakeewún. Ldakát ax tláa has ka ax káak hás. Ldakát ax húnxu hás kák ax kék' hás. Ldakát ax dlaak' hás ka ax káani yán. Hél has du tuwáa ushgoowún haa yoo x'atángi. Haadé yaa kunahéin ku.aa. Shayadihéin haa yátx'i wé Lingít sgóon tóonáx aax has akgwatéé. Aaa.

Yá kustí ítx áwé gwál woosh gaxtoosatéen, ax léelk'w. Woosh gaxtookéé wé nadáakw daat. Haa yoo x'atángi daat x'agaxtoola.átk. Aaa. X'atulitseen xáawé haa dachxánx'i sáani. Ách áyá has du tóode gaxtootée haa yoo x'atángi. Yéi áwé. Yéi áwé. Gunalchéesh.